

西安碑林全集

開成石經

第一四九卷 春秋左氏傳

經廿有六年春公伐我夏
公至自伐我曹殺其大夫
秋公會宋人齊人伐徐冬十
有二月癸亥朔日有食之
傳廿六年春晉士蒍為大
司空復士蒍為城絳以采其

宮秋虢人侵晉冬虢人又
侵晉

經十有七年春公詹紀伯

姬于洮夏六月公會齊侯

宋公陳侯鄭伯同盟于幽

秋公子友如陳葬原仲冬

杞伯姬來莒慶未逆叔姬
杞伯來朝公會齊侯于城
濮
傳十七年春公會杞伯姬
于洮非事也天子非展義
不巡守諸侯非已事不舉

卿非君命不越竟夏同盟
于幽陳鄭服也秋公子友
如陳葬原仲非禮也原仲
季友之舊也冬杞伯姬來
歸寧也凡諸侯之女歸寧
曰來出曰來歸夫人歸寧

曰如某出曰歸于某晉侯
將伐虢士蒍曰不可虢公
驕若驟得勝於我必弃其
臣無衆而後伐之欲禦我
誰與夫禮樂慈愛戰所畜
也夫臣讓事樂和愛親哀

喪而後可用也。弗畜也。
亟戰將饑王使召伯廖賜
齊侯命且請伐衛以其立
子績也。

經廿有八年春王三月甲
寅齊人伐衛衛人及齊人

戰衛人敗績夏四月丁未
邾子瑱卒秋荊伐鄭公會
齊人宋人救鄭冬築郕大
無麥禾臧孫辰告糴于齊
傳廿八年春齊侯伐衛戰
敗衛師數之以王命取賂

而還晉獻公娶于賈無子
烝於齊姜生秦穆夫人及
大子申生又娶二女於戎
大戎狐姬生重耳小戎子
生夷吾晉伐驪戎驪戎男
女以驪姬歸生奚齊其娣

生卓子驪姬嬖欲立其子
賂外嬖梁五與東關嬖五
使言於公曰曲沃君之宗
也蒲與二屈君之疆也不
可以無主宗邑無主則民
不威疆場無主則啓戎心

戎之生心臣慢其政國之
患也若使太子主曲浹而
重耳夷吾主蒲與屈則可
以威長而懼戎且旌君伐
使俱曰狄之廣莫於晉爲
都晉之啓土不亦宜乎晉

侯說之夏使太子居曲沃
重耳居蒲城夷吾居屈羣
公子皆鄙唯二姬之子在絳
二五卒與驪姬譖羣公子
而立奚齊晉人謂之二五
耦林令尹子元欲蠱文夫

人爲館於其宮側而振萬
焉夫人聞之泣曰先君以
是舞也習戎備也今令尹
不尋諸仇讎而於未亡人
之側不亦異乎御人以告
子元子元曰婦人不忘顰

離我反忘之秋子元以車
六百乘伐鄭入于桔株之
門子元鬪御彊鬪梧耿之
不比爲旆鬪班王孫游王
孫喜殿衆車入自紆門及
達市縣門不發楚言而出

子元曰鄭有人焉諸侯救
鄭楚師夜遁鄭人將奔桐
丘誅告曰楚幕有烏乃止
冬饑臧孫辰告糴于齊禮
也築郿非都也凡邑有宗
廟先君之主曰都無曰邑

邑曰築都曰城
經廿有九年春新延廩夏
鄭人侵許秋有蜚冬十有
二月紀叔姬卒城諸及防
傳廿九年春新作延廩書
不時也凡馬日中而出日

中而入夏鄭人侵許凡師
有鐘鼓曰伐無曰侵輕曰
龍不秋有非虫為災也凡
物不為災不書冬十二月
城諸及防書時也凡土功
龍見而畢務戒事也火見
而致